



## Protocol

**dalla seduta dil cussegl da vischnaunca,  
venderdis, ils 20 d'avrel 2018: allas 19.00  
Liug: Halla Cons**

---

**Presidi:** Armin Manetsch

**Actuar:** Paul Duff

**Presents:**

- |                            |   |   |
|----------------------------|---|---|
| a) Cussegl                 | Christoph Berger<br>Stefan Columberg<br>Edgar Durschei<br>Anna Maria Genelin<br>Wendelin Jacomet<br>Giusep Lozza<br>Livio Zanetti | Armin Berther<br>Adrian Deflorin<br>Mario Flepp<br>Rita Huonder-Tenner<br>Christian Loretz<br>Helga Probst-Linder |
| b) Suprastonza             | Robert Cajacob<br>Victor Flepp<br>Iso Mazzetta  | Clemens Berther<br>Jris Lombris   |
| c) Canzlist                | Andri Hendry  |   |
| d) Cumissiun<br>da gestiun | Manfred Caviezel  | Beat Hosang   |
| e) Perstgisas:<br>Cussegl  | Admir Jasarevic   |   |
| f) Hosps                   | 20  |   |

## **Plaid d'avertura entras il president**

Oz vegnin nus orientai davart la sanaziun ed engrondaziun dil Center da sport e cultura. Jeu savess ussa referir ditg sur da mes giavischs e tgei che jeu spetgel da quei project. Mo nus tractein buca mo quella fatschenta fetg interessanta, mobein revedin parzialmein la planisaziun locala che vegn segir era aunc a dar enqual buna decisiun. Buca d'emblidar il bien quen digl onn 2017 che nus repassein era aunc oz. Sco davos eligin nus ina cumissiun per ina «Disentiser Card». Miu, ed jeu sperel era Vies giavisch seigi, da dumignar tut quei oz per buca stuer duvrar nies termin da reserva. Per quei vegn jeu buca pli liungs e cuntinueschel cul program usitau.

Communicaziuns:

Mortoris:

Matilda Desax, naschida, ils 25 da fenadur 1914, morta, ils 4 d'avrel 2018.

Naschientschas:

Jonas Nilay Tschuor, naschius ils 19 da mars 2018, fegl da Simona Zazzi e Marco Tschuor

## **Tractandas:**

1. Protocol 11-2017/2020
2. Sanaziun ed engrondaziun dil Center da sport e cultura: Orientaziun
3. Revisiun parziala dalla planisaziun locala (messadi nr. 17-2017/2020)
4. Rapport da gestiun e quen 2017 (messadi nr. 18-2017/2020)
5. Cumissiun «Disentiser Card»: Elecziun

Cussegl da vischnaunca Disentis/Mustér  
Il president: Igl actuar:

Armin Manetsch

Paul Duff



Cussegl da vischnaunca 2017/2020  
Protocol no. 12  
Seduta dils 20 d'avrel 2018

---

## 1. Protocol

*Protocol nr. 11-2017/2020*

Il protocol ei vegnius tarmess tier per posiziun. Enteifer ils tschun dis fixai ei vegniu inoltrau neginas objecziuns.

Il protocol vegn **approbaus senza midadas**.

Cussegl da vischnaunca Disentis/Mustér  
Il president: Igl actuar:

Armin Manetsch

Paul Duff



## 2. Sanaziun ed engrondaziun dil Center da sport e cultura: Orientaziun

### Presentaziun:

Suprastonza:

President Robert Cajacob:

Suenter l'orientaziun dad oz suondan ils suandonts termins en connex cun la sanaziun dil CSC: Damonda da credit al cussegl da vischnaunca ils 8 da zercladur 2018 e votaziun dil pievel il 23 da settember 2018.

Gerau Clemens Berther:

Il concept presentaus ei vegnius creaus dalla cumissiun da baghegiar ensemen culs architects. Els han consultau 400 questiuinaris dalla populaziun cun propostas e giavischs per il CSC. Medemamein ei vegniu consultau ils novs investurs dils stabiliments Catrina Resort e Hotel Acla da Fontauna.

Als cuosts dalla sanaziun importan 15,1 milliuns francs. Ei setracta da cuosts brutto inclus tpv, honoraris da planisaziuns ed execuziun. Susteniment finanziel dat ei dalla part dil cantun sco era dall'instituziun San Gottardo da 1,7 – 1,9 milliuns francs à fond perdu. Plinavon quintein cun in credit senza tscheins da 3 milliuns francs dalla Confederaziun. Nus quintein da survegnir restituiu la taglia sin plivaleta da circa 1 milliun francs. Per la vischnaunca restan cuosts da 9,2 milliuns francs. En quella cefra ei buca cumpriu ils cuosts d'in indrez da fotovoltaica sil tetg. Tala installaziun vul ins realisar entras in'instituziun privata.

Termins:

- cuoz da baghegiar 2018 – 2022
- badelada ed entschatta dalla construcziun da baghegiar igl 1. d'avrel 2019

Presentaziun entras architect Simon Bisquolm:

En maletgs virtuals vegn fatg in percuors egl intern dil project e mussau tuttas installaziuns e locals cun lur intent futur. Als indrezs e las plazzas ordaviert vegnan medemamein presentai visualmein. La part dalla sanaziun digl existent impunda ina summa da 6,5 milliuns francs, per novas purschidas ed indrezs vegn impundiu 8,5 milliuns francs. Ina gronda sfida seprenta da mantener en funcziun il menaschi dil CSC durant il temps da baghegiar. La sanaziun succeda en quater etappas. Quellas vegnan coordinadas cugl avanzament dalla construcziun dil Hotel Acla da Fontauna. Dues il hotel buca vegnir realisau sco planisau, fuss ei in'opziun da schar curdar la sanaziun gronda dalla Sala Fontauna ch'ei calculada cun 1,4 milliuns francs.

### Discussiun:

Cussegl, suprastonza ed architects:

En general plai il project allas cusseglieras e cussegliers. La gronda surfatscha dil tetg duei vegnir nezegiada per producir electricitad cun fotovoltaica. Quell'survescha per igl agen diever e per vender all'interpresa da forza electrica. L'installaziun vegn fatga sin basa privata. Interessenza persuenter ei tenor la suprastonza avon maun.

La purschida per famiglias ei pintga en vesta d'ina tala summa d'investiziun. Ins sedamonda schebein ei drovi duas hallas da tennis. Ulteriuras ideas vegnan presentadas

per slargiar la purschida per famiglias. Ils architects e la suprastanza ein dil meini ch'ei detti avunda pusseivladads per famiglias. Cunzun la part exteriura ei adattada per termagliar e far giugs cun affons. Il plantschiu niev dalla halla da tennis lubescha da duvrar quel a moda polivalenta. Aschia sa ina part da quei stabiliment vegnir duvraus alternativ sch'ei fa basegns ni sch'il tennis vegness buca duvraus.

L'ustria duei restar en causa mangiativa sco tochen uss cun paucas purschidas. Quei ei motiv da buca installar ina cuschina. Per ina purschida culinaria pli gronda stuess il diember da persunal vegnir augmentaus. Per ina societad gronda stat la cuschina dalla Sala Fontauna a disposiziun ni ch'indrezs mobils ston survir alla causa.

Igl access Hotel Acla da Fontauna tier il CSC vegn segir buca realisaus cun ina rundella ni in sutpassadi. Ils parcadis existents dretg dalla Via Acletta stattan a disposiziun al CSC. Tier occasiuns pli grondas vegnan ils parcadis dallas pendicularas duvrai sco tochen dacheu. Quei adina en entelgientscha cun quellas.

**Decisiun:**

*Il cussegl ei satisfatgs dalla presentaziun ed orientaziun.*

Cussegl da vischnaunca Disentis/Mustér  
Il president: Igl actuar:

Armin Manetsch

Paul Duff



### 3. Revisiun parziala dalla planisaziun locala (messadi nr. 17-2017/2020)

Suprastonza:

Gerai Iso Mazzetta:

La revisiun dalla planisaziun locala pertucca treis puncts:

- La promoziun dall'economia ella zona da mistregn Pignola.
- La lescha federala pretenda d'exxonar 4000 m<sup>2</sup> en vischnaunca. Quella fatschenta vegn pli tard avon il cussegl.
- Reglar las determinaziuns per secundas habitaziuns.

A Pignola va ei per legalisar ina zona gia dada libra per projects ch'ei gia avon maun. La lescha cantunala pretenda da realisar baghetgs en quella zona existenta. Pér suenter sa la zona vegnir engronnida.

A Sontga Catrina ein las vias projectadas, parcadis, igl ual e la zona speciala dil Catrina Resort da legalisar. Igl access Catrina Resort ch'ei en zona da parcar va medemamein en quei project. Ei setracta d'ina causa formala.

La lescha per habitaziuns secundaras en hotels existents sebase sin la lescha federala. La cumissiun ei dil meini da buca schar tier da midar ils 20% dallas combras existentas en secundas habitaziuns, mobein da mantener la purschida ed il volumen da combras da hotel a Mustér.

#### **Discussiun:**

Cussegl:

Cun tgei preci vegn la parcella 189 indemnisada dalla vischnaunca?

Quei succeda entras «Mehrwertabschöpfung». ». Cusseglia Edgar Durschei fa attents ch'il Planungs- und Mitwirkungsbericht dalla Esther Casanova tier la revisiun parziala Pignola/Marias sin pagina 7 cefra 2.1, art. 5 sut giudicament vischnaunca, cuntegni in sbagl. La vischnaunca sto buca desister dad ina «Mehrwertabschöpfung\*. Il prezzi da vendita da quella parcella 188 ei cun frs. 50.00/m<sup>2</sup> (messadi cussegl da vischnaunca 4-2017/2020) per frs. 100.00/m<sup>2</sup> pli favoreivels ch'il prezzi da frs. 150.00/m<sup>2</sup> valeta che la vischnaunca schazegia il terren en zona d'industria. Tenor rapport davart l'adattaziun dalla bilanza tenor HRM2 dil fenadur 2017 sut cefra 5.2.6 sin pagina 11 vegn il terren en zona da mistregn Pignola schazegiaus cun frs. 150.00/m<sup>2</sup>.

La lescha da habitaziuns secundaras sco proponida ha consequenzas negativas tier la bonitad d'in hotel. Las bancas ein zun restrictivas cun dar credits sil sector da gastro.

La banca fa ponderaziuns sur dalla valeta d'in hotel e risguarda era igl intent digl object. Midadas d'in hotel existent basegnan grondas investiziuns. La schanza da survegnir credits ei pli gronda sch'il hotel ha la pusseivladad da baghegiar habitaziuns secundaras.

La lescha proponida fa donn alla hotellaria en vischnaunca. La lescha federala subordinada sustegn plitost la sparta e munta engaschament enstagl novas prescripziuns legalas.

Igl ei buca d'engrevegiar la branscha cun autras leschas. Miran ins en autras vischnauncas sche ston ins buca prender exempel dall'Engiadina che ha en causa habitaziuns secundaras tut in'otra situaziun che nossa regiun.

Suprastonza:

Gerau Iso Mazzetta:

Igl ei clar che la proposta cuntegn in risico. Autras branschas economicas han era quel. Ei vala da mantener il volumen da combras da hotel a Mustér. Habitaziuns san ins baghegiar dasperas.

Cussegl:

Cusseglie Wendelin Jacomet fa la proposta da trer dapart la proposta e far treis puncts independents per votar.

1. Approbar la revisiun parziala dalla planisaziun locala che cumpeggia :
  - 1.1 - Revisiun parziala dalla lescha da baghegiar (art.15, 29a, 61a cun annexa 1, 98a)
    - Plan da zonas 1 :2'000 Pignola
    - Plan general d'avertura 1 :2'000 Pignola
  - 1.2 - Plan da zonas 1 :1'000 Acletta/Funs
    - Plan general d'avertura 1:1'000 Acletta/Funs
  - 1.3 - Lescha nova davart habitaziuns secundaras
2. Suttametter la revisiun parziala dalla lescha da baghegiar, dils plans da zonas e dils plans generals da formaziun tenor art. 11, al. 1 dalla lescha da baghegiar alla votaziun dil pievel.
3. Suttametter l'approbaziun dalla lescha communal da davart secundas habitaziuns tenor art. 11, al. 1 dalla lescha da baghegiar e dils plans da zonas alla votaziun dil pievel.

Il cussegl accepta quella proposta e la votaziun sespleiga sco suonda:

### **Decisiun:**

*Il cussegl decida **senza cuntervuschs ed abstenziuns:***

- 1.1 *d'approbar la revisiun parziala dalla lescha da baghegiar (art. 15, 29a, 61a cun annexa 1, 98a)*
  - *plan da zonas 1:2'000 Pignola*
  - *plan general d'avertura 1:2'000 Pignola*
- 1.2 *d'approbar il plan da zonas 1:1'000 Acletta/Funs ed il plan general d'avertura 1:1'000 Acletta/Funs*
- 1.3 *Il cussegl renviescha **cun 2 pro, 10 encunter e 2 abstenziuns** la lescha nova davart habitaziuns secundaras. (entras quella decisiun croda il punct 3 dalla proposta da W. Jacomet ord tractandum).*
2. *Il cussegl decida **senza cuntervuschs ed abstenziuns** da suttametter la revisiun parziala dalla lescha da baghegiar e dils plans da zonas tenor art. 11, al. 1 dalla lescha da baghegiar alla votaziun dil pievel.*

Cussegl da vischnaunca Disentis/Mustér  
Il president: Igl actuar:

Armin Manetsch

Paul Duff



#### 4. Rapport da gestiun e quen 2017

Suprastonza:

President Robert Cajacob:

Igl onn 2017 ha la vischnaunca Mustér giun in bien quen annual. Denton han biaras investiziuns previdas buca saviu vegnir realisadas, perquei ch'il quen ha buca saviu vegnir serraus giu el decuors digl onn. Grazia ad ina disciplina d'expensas e dapli recavs dil forestalesser ei il cashflow dil quen communal staus 2,5 milliuns francs.

Il quen siara cun cuosts da frs. 14'975'905.53 e recavs da frs. 15'427'045.56. Quei dat in surpli d'entradas da frs. 451'140.03. Il total dallas amortisaziuns importa frs. 1'863'253.24. Il quen d'investiziun siara cun cuosts da 3,883 milliuns francs e recavs da 1,350 milliuns francs. Las grondas investiziuns pertuccan il Center da sport e cultura, il traffic (vias, illuminaziun), la construcziun da canalisaziun e rempar en Val Acletta.

Ils proxims onns ein grondas expensas previdas. Quellas pertuccan il Center da sport e cultura, la serenera, la via d'uaul Run ed autras vias sco era la casa da scola. La realisaziun dils objects planisai el sectur turissem empermettan alla vischnaunca augments d'entradas. Las investiziuns dils proxims onns ein decisivas per proximas generaziuns. Tier quellas investiziuns s'auda il bien manteniment dall'infrastructura communal. Tals fatgs scaffeschon plazzas da lavur e genereschon entradas tier l'economia sco era tier il maun public.

Rapport dalla cumissiun da gestiun:

Conform ad art. 54 dalla constituziun communal e dil regulativ per la cumissiun da gestiun sco era sebasond sin la lescha da finanzas dil cantun Grischun ha la cumissiun da gestiun examinau l'administraziun communal e il menaschi finanziel. Las sedutas han giu liug per part ensemen cun la suprastonza communal e ils revisurs externs. La revisiun tecnica ei succedida entras Confidar fiduziaria SA (Gion Friberg e Martin Caduff).

La cumissiun ha repassau ina vasta documentaziun sco ils protocols dallas autoritads communalas e controllau las activitads dall'administraziun, ils differents quens e la bilanza, cumpriu la cassa e la contabilitad sco era il quen da menaschi dil Center da sport e cultura.

Per il quen ei la suprastonza communal responsabla, ferton che nossa funcziun ei da controllar el e da dar giu nies pareri.

Nossas examinaziuns ein succedidas conform als principis da revisiun. Tenor quels ei l'examinaziun da planisar e d'exequir aschia, che munconzas essenzialas el quen annual san vegnir eruidas cun segirtad sufficiente. Nus havein controllau ils posts e las indicaziuns dil quen annual cun agid d'analisi e retschercas sin basa d'emprovas da controlla. Nus essan dil meini, che nossas controllas fuorman in basa sufficiente per nies pareri.

Sin fundament dallas examinaziuns fatgas savein nus constatar ch'il quen current, il quen d'investiziun e la bilanza corrispundan alla contabilitad e che quella ei menada conform allas prescripziuns vertentas. Il quen 2017 ei vegnius menaus sco emprem quen tenor il model harmonisau da contabilitad 2 (HRM2). Per quei motiv ha ei cunzun dau ella bilanza differents adattaziuns ch'ei circumscrittas en in rapport separau. La cumissiun constatescha che la suprastonza communal, ils officials ed ils emploiai administreschan cun quitaun e bien senn da responsabladad il menaschi communal.



Propostas: Sin fundament dallas controllas e dall'examinaziun dil quen e dils fatgs administrativs propona la cumissiun da gestiun al cussegl da vischnaunca da:

1. approbar il rapport da gestiun 2017;
2. approbar il quen 2017;
3. suttametter il quen 2017 al referendum facultativ conform agl art. 21, lit. a dalla constituziun communal;
4. dar scarica alla suprastanza communal, a tuts officials ed als collaboraturs communal e dil Center da sport e cultura;
5. admetter in cordial engraziament alla suprastanza, als officials, als collaboraturs communal e dil Center da sport e cultura.

Cumissiun da gestiun Manfred Caviezel, president  
Beat Hosang  
Toni Huonder

Disentis/Mustér, mars 2018

### ***Discussiun:***

#### **Quen da gudogn e sperdita:**

Cussegl:

Daco dat ei cheu ina differenza dalla quota d'amortisaziun tiels contos 1500.3111.00 e 1500.3300.00?

Canzlist:

El preventiv ei previu in'amortisaziun ordinaria per pagar sur 5 onns alla Corporaziun Pumpiers Sursassiala la cumpart agl autoscala. Per observar ils principis da cudischaziun tenor materia sto la summa vegnir cudischada al conto 1500.3111.00 (mobiliars, maschinas, vehichels).

Cussegl:

Il conto 2190.3113.00 muossa ora ina differenza enviars il preventiv.

Suprastanza:

Geraua Jris Lombris:

La cumpra dil sistem d'EED ei refretga sin pli tard ord raschun dall'introducziun dil plan da scolaziun 21.

Cussegl:

Tgei muntada han las steilas en differentas rubricas avon las cefras dil preventiv?

Canzlist:

Quellas expensas cuntengnan credits supplementars ni credits posteriurs.

Cussegl:

Il conto 6190.3170.00 muossa ora in augment dallas spesas enviars il preventiv, pertgei quei?

Suprastanza:

Gerau Clemens Berther:

Il model d'indemnisaziun per igl auto dil selvicultur ei vegnius midaus ed ha caschunau la differenza.

Cussegl:

Il conto 8100.3300.00 prevedeva ina summa da frs. 71'000.--, cudischau ei denton nuot.

Suprastonza:

Gerau Clemens Berther:

La summa prevedeva l'amortisaziun dil project dalla meglieraziun funsila. Damai ch'il project era la fin 2017 muort protestas pendentas aunc buca approbaus dalla Regenza grischuna, ha l'amortisaziun buca saviu vegnir fatga.

Cussegl:

Il conto 8250.4240.00 muossa ora ina gronda differenza d'entradas enviers il preventiv. Nua ei vegniu fatg tonta lavur per tiazas personas?

Suprastonza:

Gerau Clemens Berther:

Ei setracta da lavurs privatas dalla gruppa d'uaul. Quella ha fatg biara lavur per diversas instituziuns e per privats.

Cussegl:

Conto 9100 Taglias communalas generalas: Igl ei enconuscent che pliras personas habiteschan a Mustér e pagan taglia en autras vischnauncas. Daco vegn quei acceptau?

Dat ei ina basa legala, in reglament per talas situaziuns? Ei fuss da reagir spert en quellas situaziuns.

Canzlist:

Ei regia ella regiun ina certa toleranza tiels dimorants dall'jamna. Personas ch'ei annunziadas a Mustér sco dimorants dall'jamna pagan ½ dalla taglia communal sin entrada a nossa vischnaunca. Nus havein cheu ina tenuta aviarta quei che pertucca la regiun. En Svizra vegn deplorablamein adina dapli tratg dapart il domicil da habitar ed il domicil da taglia.

Cussegl:

Tiel conto 9505.4120.04 setracta ei d'ina summa fixada? Dat ei criteris per quella entrada ni ina cunvegna fatga sco basa?

Suprastonza:

Gerau Victor Flepp:

Quei ei ina contribuziun volontaria dalla Corporaziun d'aua Spina da Vin alla vischnaunca per il nez dallas auas per la produczion d'electricidad.

## **Quen d'investiziun**

Cussegl:

Il conto 6150.6370.00 aveva previu in'entrada da frs. 180'000.-- ch'ei buca succedida. Ord tgei motiv?

Suprastonza:

Gerau Iso Mazzetta:

Il project Via Run san ins entscheiver pér 2018. Ei cuora la procedura da perimeter. Igl atun vegnent vegn ins ad entscheiver cun l'emprema etappa. Sch'ei dat buca protestas san era las duas proximas etappas succeder.

Cussegl:

L'expensa sil conto 6190.5060.00 ei buca stada avon il cussegl. Ei quei concediu en cumpetenza dalla suprastanza?

Suprastanza:

Gerard Clemens Berther:

La summa ei cuntenida el preventiv per il conto da maschinas dil menaschi tecnic. L'expensa ei sut frs. 100'000.-- e stat en cumpetenza dalla suprastanza.

Cussegl:

Sil conto 8400.5010.01 ei vegniu budgetau frs. 126'000.-- denton cudischau neginas expensas. Sanar e baghegiar ora sendas ei da grond'impurtonza. Tier quei s'auda era la signalisaziun. Aschia ei per exempel la senda Romana naven da Mumpé Medel buca marcada vinavon.

Suprastanza:

President Robert Cajacob:

Quella caussa savein nus migliurar. Nus vegnin a far attents sin la signalisaziun munconta.

Cussegl:

Sil conto 8400.5030.00 ei in'expensa da frs. 157'000.--. Quei credit ei buca daus dil cussegl. Ha la suprastanza surpassau sias cumpetenzas?

Suprastanza:

President Robert Cajacob:

L'expensa pertucca la loipa Cadi ch'ei fatga en collaboraziun cun autras vischnauncas vischinontas.

Canzlist:

Cun quell'expensa ei vegniu erigiu ils fundaments dalla punt a Brulf. L'expensa semuossa cheu brutto. Ils cuosts netto ein sut frs. 100'000.--. Ina gronda part vegn finanziada dil cantun.

## **Annexa tiel quen**

### **Survesta dallas participaziuns**

Canzlist:

Tier quella survesta ei aunc da cumpletar sut cefra 5 las treis summas garantidas per ennevar e construir la pendiculara nova encunter Sedrun dallas Pendicularas Mustér sco era ina garanzia da deficit (conclus dalla cuminonza da votants dils 27-11-2016). Quellas ein indicadas sut «obligaziuns eventualas».

### **Survesta da credits**

Cussegl:

Ella controlla da credits manca il credit da frs. 193'000.--, planisaziun locala.

Suprastanza:

Quella summa vegn prida si ella survesta.

### **Decisiun:**

*Il cussegl **approvescha il rapport da gestiun ed il quen 2017 dalla vischnaunca senza cuntervuschs ed abstenziuns.***

***Il cussegl decida da suttametter il quen communal 2017 al referendum facultativ conform agl art. 21, lit. a dalla costituziun communal senza cuntervuschs ed abstenziuns.***

Cussegl da vischnaunca Disentis/Mustér  
Il president: Igl actuar:

Armin Manetsch

Paul Duff



## 5. Cumissiun «Disentiser Card»: Elecziun

Presentaziun:

President Robert Cajacob:

Denter indigens e hosps che pagan taglia e taxas en vischnaunca ed ils ulteriurs visitaders da nossas purschidas da sport etc., per exempel ils avdents dallas vischnauncas vischinontas, dat ei tochen oz negina differenza da prezis tier las purschidas. Co far ei pli reclli denter quels che pagan taglia en vischnaunca, indigens e hosps che finanzieschan noss'infrastructura e quels che vegnan cheu sulet per far diever da nos stabilliments? Las vischnauncas vischinontas han negin interess da separticipar vid nossas investiziuns d'infrastructura turistica, sport e cultura. Aschia eis ei pli che giustificau che quels che pagan las investiziuns sapien seprofitar d'ina reducziun tier ils prezis. Ina cumissiun duei sedar giu cun ina ev. «Disentiser Card» resp. sclarir pusseivladads da sligiar il problem.

La suprastanza propona d'eleger la cumissiun cun las suandontas personas:

Rita Huonder-Tenner

Edgar Durschei

Adrian Deflorin

Wendelin Jacomet

Mario Flepp

Livio Zanetti

Christoph Berger

Davart dalla suprastanza communal fa il president communal Robert Cajacob part a quella cumissiun.

### **Decisiun:**

*Il cussegl elegia ils proponi cun 7 vuschs e siat abstenziuns (ils proponi han s'absteniu da vuschar).*

Cussegl da vischnaunca Disentis/Mustér  
Il president: Igl actuar:

Armin Manetsch

Paul Duff

### **Orientaziun:**

Gerau Clemens Berther ha dau risposta allas damondas da cussegliera Helga Probst-Linder pertuccont Neosporas. Cussegliera Helga Probst-Linder remarca ch'ei ha buca dau novas enconuschientschas per ella.

Las commembras ed ils commembers dil cussegl da vischnaunca e dalla cumissiun da gestiun obtegnan la brochura dalla HTW Cuera "Startpaket für Gemeindepolitiker/-innen".

Disentis/Mustér, ils 26 d'avrel 2018